

Vakapäev

Taatsi õks sis imme helläkeist,
Taatsi maamat mar´akõist -
tull´ õks tä üles hummogulla,
6785 varra inne valgõt,
astõ õks tä Taatsi asõmöllõ,
kabokõnõ kat´möllõ.
Olõ-s õks imp Taatsit asõmöll,
kabokõist kat´mõl -
6790 pad´a^q olli^q õks jo jäänü^q pahatsõst,
linnu teki^q leinälitsest.
Ime näkk´ õks sis päävä nõsõvat,
virve ao veretävät -
Taatsi mõtõl´ õks tä kodo tulõvat,
6795 arma tütre astvat,
Taatsikõnõ ka õks pälgäs´ kui päiv,
olli ausa kui ago!
Ime õks sis lausi meelestäni,
meelest, meele poolõstani:
6800 ”Õga tulõ-i õks imp kodo mu Taatsi,
kambrõhõ kallis lats -
Taatsikõnõ õks jo kaldo kavvõndõhõ,
pardsi pall´o maa taadõ.
Vaja minnä^q õks meil umma ots´mahe,
6805 kallist perrä kaemahe -
agu om õks täl säääl ikäv ellä^q,
kammõlik kasvuda?”
Imekene õks kõõ arvas´ andit,
kõüt´ kimpo kindit,
6810 ime säääd´ õks kõõ parke paklit,
rõivakerri kirsto pand´.
Imel saiva^q õks kui andõ^q arvatost,
kinda^q kimpo kõüdetõst,
esekene õks jal säääd´ hobõsit,
6815 ravits´ ummi ratsokõise.
Hobõsõ^q õks sis saiva^q ehitedüst,
kaarasüüjä^q kabistõdust,
ette naate õks jo säääd´ hobõsit,
pandma padi ruunakõise.
6820 Kolm pante õks küll hobõst kirstu ette,
vidäjä^q veerätedi^q -
kirst oll´ õks täl täüs kui kivi,
kimmähe kindit,
Taatsil oll´ õks küll siseh siidirõivas,
6825 ala kaanõ kalõvunõ.
Ime ehe ka õks hinnäst ilosahe,
paks mamma parebehe.
Ime õks ehe, esi ikk´,
maama nuudsõ nobõhõhõ.
6830 Ese kostõ õks sõna kurval meelel,
haard´ hallõstõ üldä^q:
”No haarat õks jo vaja, imekene,
kaihopõlvõ, kandjakõnõ -
kiäke tuu-i õks imp sullõ kuldakoste,
6835 mitond mesileeväkeist!”

Vaka- saiva^q õks sis -rahvas valmest,
kinä^q kirstupoisikõsõ^q,
nõsti^q õks nää^q pääle kimmä kirstu,
vaode^q vasõnäolitse.
6840 Läts õks sis vakk valamahe,
kirst perrä kiir´mähe.
Ese jäi õks küll koto hoitmahe,
umma varra vaht´mahe.
Sõidi^q õks nää^q, sõidi^q tükü tiid,
6845 palakõsõ pall´o maad.
Kiä tull´ õks sis vasta vakalõ,
keerät kirstu kottallõ?
Vasta õks sis tull´ vana miiss,
vana miiss, puhas poiss.
6850 Oll´ õks täl käeh kuldakepp,
oll´ vüül hõpõvüü,
umma õks tä keppe keerätelli,
kuldania kukutõlli.
Kolm jäi õks sis hobõst saismahe,
6855 viis kirstuverevät.
Kepp õks sis lausi meelestäni,
nui meele poolõstani,
kepp õks sis ütél´: ”Kehv ime!”,
leelot´ maamat leinälisest:
6860 ”Innep vii^q õks ar kodo kehvä kirst,
ikukast ese majja!
Kohe viit õks sa kalle^q kalõvo^q,
vagivahtsõ^q rõiva^q?
Kaadsilõ õks sa viit viina pääle,
6865 oiutada ollõ pääle,
uma viit õks sa kirsto ikmahe,
kuldakaste kuukmahe!”
Kiäke saa-s õks joht nätä^q vanna miist,
vanna miist, puhast poissi,
6870 muudku kuuli^q õks nää^q timä helükeist,
vaga vere vaimukõist.
Suur jäi õks kõik vakk vaht´mahe,
kalle^q poiis^q kaemahe:
”Kagoh om õks no imeh, mis mi näi,
6875 om kummõt´, mis mi kuuli,
kinni peetäs õks et kirstuhobõsit,
vaht´va^q vakaratsokõsõ^q!”
Kirstu-õks-sis-vele^q vitso anni^q,
rutto näile ruuska näütse^q.
6880 Ime tull´ õks jo mano ikkõh,
kandja mano kahitõh,
hobõsõ^q õks et pill´va^q pistõ,
üles linnu^q lindo läävä^q.
Vana õks jal miiss, puhas poiss
6885 umma õks jal keppe kergütelli,
kuldania kukutõlli.
Kepp õks jal ütél´: ”Naakõ^q kiirdmä,
verevä^q vidämähe!”
Nii õks sis lätsi^q minemähe,

6890 tulitsõhõ tulõmahe:
kuhvre^q* õks pääl kõik kolisi^q,
kast pääl sääl kahisi.
Tahtsõ^q õks ar kaste kaotõlla,
kirsto jättä^q kivistikku.
6895 Peivä^q õks sis kinni mitmõkeske,
tulli^q külge kümnekese.
Sis sõidi^q õks nää^q läbi suurõ mõtsa,
läbi vahadsõ varigo.
Sääl õks jal lauli^q kummõ^q kuusõ^q,
6900 laanõ ladvolda pedäjä^q,
lepä^q õks kõik näile leelotiva^q,
hüä^q puu^q hähksivä^q:
”Ime-õks-sa-kene helläkene,
Taadsi maama, mar´akõnõ,
6905 innep vii^q õks ar kirst kivistikko,
annivakk varikohe,
innep jaa^q õks sa hammõ^q jänesille,
oiutõllõ^q oravillõ!
Repän om õks küll näide ristesä,
6910 mõtskits kitupoiss,
repän ka õks taht andit,
mõtskits kindit!”
Imekene õks joht kullõ-s näide jutto,
laanõ ladva laulmist.
6915 Ime õks sis lausi meelestäni,
memme meele poolõstani:
”Jääge^q õks ti, mõts, umma paika,
kuusõ^q umma kottallõ!
Meil õks om vaja sinnä minnä^q,
6920 vakal rutto valla^q -
sinnä õks mul uut tütrekene,
kaes imme kanakõnõ,
uut õks jo imme huulitsal,
vaht´ maamat vanijal!”
6925 Õga õks imp lää-s pall´ond aigo,
tuvi, mitond tunnikõist -
kulla saiva^q õks jo krundi kottallõ,
mar´a Kaadsi maa pääle.
Nuu^q õks kõik kivi^q kõnõliva^q,
6930 mullatükü^q murõhtiva^q:
”Ime-õks-jal-kene helläkene,
kaiholine kandjakõnõ,
kohe õks sa kirstu keerätellet,
annivaka vaotõllõt?
6935 Innep tuu^q õks ar kirst kivi mano,
muudsa^q hammõ^q mulla sisse -
s´oo om õks taa kivi Taadsi tarõ,
mullapala murõhtaja!”
Kivi õks sis lausi meelestäni,
6940 muld meele poolõstani:
”Peio nakas õks kui Taadsit pess´mähe,
kasa karri andmahe,
kivi pakõ õks sis kirivä külele,
kannu valgõ var´olõ!
6945 Sis saasõ õks taa kivi Taadsi tarõ,
kand leinäkambrõkõnõ!”
Imekene õks sis pall´o jo pahase,
maama viländ ar vihase.
Esi õks tä keelilä kõnõli,

6950 umal suul sorahõlli:
”Kas om õks no õigõ vai võlss,
koor´alitse^q kummõdekõsõ^q?
Kui ma õks küll elä, sis ma näe,
taha kaia^q naid kaiha -
6955 kaiho- saa-i õks ma -kapla lõigada,
oho-uhjo arotõlla!”
Imel sai õks tuu jutt aetost,
kehvä sõna keerätedüst,
ime kai õks sis silmil selgil,
6960 silmäkolmal korgil -
kirstu- naksi^q õks jo -poisi^q kiuhkmahe,
kastivele^q kargamma.
Kaadsi sõidi^q õks jo kotost naa^q kasago^q,
naase^q, tennõ^q nal´amehist:
6965 sälgä olli^q õks näil aedo^q moodorõiva^q,
kummõde^q kuubakõsõ^q,
viina- olli õks näil -putel puusa pääl,
kalle^q ollõ^q karmaneh.
Inne anni^q õks nää^q viina imele,
6970 kallist olut kandjallõ,
sis keere^q õks nää^q Taadsi kirstu mano,
astõ^q annivaka mano,
viina anni^q õks sis kirstu kitjille,
auvaka valajillõ.
6975 Pääle kõrrast õks kõigilõ anniva^q,
olut näile oiutiva^q.
Sis miildõ õks taa ime meelekene,
süttõ maama süämekene,
imel lätsi^q õks ar meelest kivi jutu^q,
6980 mulla murrõsõnakõsõ^q.
Kasago^q õks kõik ümbre kalduva^q,
ümbre vaka nää^q valiva^q.
Kasago^q õks jal iih kalduva^q,
veere^q iih viina-andja^q,
6985 vakk läts õks kõik takah naardõh,
kirstupoisi^q kiuhkoh.
Kaadsilõ õks kõik naase^q kadsatõlli^q,
sõsarõ^q sõiratõlli^q:
”Kaadsi õks, sa veertis velekene,
6990 mi korgõ kosilanõ,
no sää^q õks sa hõste särgisiilo^q,
panõ^q hõste palt´o-nulga^q!
Sisse õks küll tulõ sugu suur,
sugu suur, võsa võrgas -
6995 vasta mingu-i õks sa pii-pindsakol,
tükk´kü-i tüü-rõivil!
Sinno ka õks kaes tuu miiss,
vaht´ sinno vana poiss,
kiä tahtsõ õks küll Alelõ anda^q,
7000 sundõ^q umma sugulaist.
Kulõ^q õks, meil korgõ kosilanõ,
virve rikas velekene:
mine^q õks sa vasta ilosahe,
kirstu pääle kibõhõhõ!
7005 Näile õks sa vii^q makõt mamma,
liidä^q näile likerit!”
Sis õks jo sisse vakk vali,
vakk vali, kirst kiirdõ.
Kaadsi juusk´ õks sis vällä kaemahe,

7010 kirstu viirde virgastõ.
Sis õks naa^q naase^q nal'atõlli^q,
inemise^q ilotõlli^q:
”Hillä õks ti, hillä, hellä^q langu^q,
tassa, targa^q ti umadsõ^q!
7015 Hot' omma^q õks teil iih sõasõnni^q,
sõasõnni^q, roodsi ruuna^q,
hobõsõ^q õks teil omma^q siibaga,
linalaka^q lindaja^q,
siske õks ti ajagu-i üle aido,
7020 üle katustõ karaku-i!
Maalõ jovva-i õks ti aia^q mi aido,
kakkõ mi katusit!
Vahtsõ^q õks ti langu^q, mi umadsõ^q,
meilä meelimar'akõsõ^q,
7025 õga õks meil olõ-i Ale aia^q,
seto poisi meil seenidse^q!
Alel olli^q õks säääl armõdo^q aia^q,
saina^q saviga paigado^q,
Ale võinu^q õks ti aia^q laotõlla^q,
7030 saibapaari^q maalõ saata^q.
Kaadsil omma^q õks kõik karradsõ^q katusõ^q,
tugõva^q aiatulba^q.
Tüüd jovva-i õks mi esele tetä^q,
aoviidet mi velele!”
7035 Kaadsil and' õks jal näile kallist viina,
keerät' kirstunõstjillõ.
Vaka- õks jal -naase^q nal'atõlli^q,
kirstuimändä^q ilode^q:
”Taadsil-õks-sa-kõnõ, näiokõnõ,
7040 illos imelatsõkõnõ,
koh sa õks no olõt, uika^q vasta,
koh hingät, tii^q hellü,
uika^q õks sa vasta ummilõ,
tii^q hellü sa hõimulõ!
7045 Kaadsil omma^q õks kõik klaasidsõ^q kambrõ^q,
pääle kividse^q keldre^q,
kohe om õks taa aet mi näio,
kallutõt kabokõnõ.
No angõ^q õks ti nätä^q mi näio,
7050 toogõ^q kaija^q kallis kabo!”
Sis viide õks näid aita mäele,
pääle aida päälikohe.
Säääl olli õks taa tark Taadsikõnõ,
nuur noorigõkõnõ,
7055 vilä- oll' õks tä -salve veereh,
kaarasalve kaalal.
Sis lätsi^q õks nää^q mano teretämmä,
käve^q kätt andmahe.
Imekene õks sis teret' kõkõ inne,
7060 maama and' õks jal suud magusahe,
ümbre võtt' õks küll kaala kallehe:
”No tere õks, mu kullano tütar,
kalõvunõ kanakõnõ!
No sinolt õks ma künnü küüsümähe,
7065 nõsõ, ime, nõudmahe:
kas oodit õks sa siiä imekeist,
vahet vanna maamakõist?”
Taadsikõnõ õks sis ikk' ne naard',
pääle õks tä naaru nal'atõlli,

7070 silmäviil veerätelli:
”No kuulõ^q õks, mu kuku maamakõnõ,
kallis latsõ kasvataja:
ma sai õks kui kullaga kokko,
hõbõhõtsõ hõlma mano,
7075 ma õks jo väega teid oodi,
vahe umma vakakõist!”
Taadsil õks sis lausi meelestäni,
meelest, meelee poolõstani:
”Hot' minno õks siin väega hoietigi,
7080 pehmehe peetigi -
n'oo^q omma^q ka õks siin naase^q nal'alitse^q,
Kaadsil hõim kargaja -
ma olli õks küll võõras vaihõl,
tuudokõnõ tooli pääl,
7085 ma tihka-s õks, kabo, siin karada,
nuur, nalja nal'atõlla!”
Sis lätsi^q õks nää^q tassa tarrõ,
hillä hellä huunõhõ.
Tävve^q olli^q õks säääl lavva^q, tävve^q livva^q,
7090 all olli^q õks säääl rahadsõ^q lavva^q,
pääl räti^q präänikatsõ^q.
Kõik olli^q õks säääl vaja^q vastatsõlla,
kuldahangu^q korgõh,
kohe õks naa^q heidi^q herrä lindi^q,
7095 säksa kübära^q künnüdi^q.
Palt'o^q õks nää^q kõrvalõ panniva^q,
kalõvutsõ^q kallutõlli^q.
Armuga õks näid aete lavva taadõ,
linnu meelet livva mano.
7100 Ime istõ õks sis ala aknidõ,
kuvvõ kruudi kottallõ,
kõik istõ õks sis hõim hõõlahe,
rikas hõim ristikohe.
Kaadsil tull' õks sis mano krahankaga*,
7105 vigurine õks täl oll' viinaputel.
Lavva saisi õks kõõ otsah, olu käeh,
lavva veereh, viin peoh,
ütte õks tä and', tõist vali,
kolmandat kummutõlli:
7110 Kaadsil tahtõ õks näid viinal vetütellä^q,
umal ollõl uputõlla^q.
Imel olli^q õks jal soradsõ^q pudru^q,
memmel mesidse^q leevä^q.
Nuu^q õks jal naase^q nal'atõlli^q,
7115 inemise^q ilotõlli^q,
kiä olli^q õks küll tulno^q nal'atarõst,
laskno^q laululavva takast:
”Ime-õks-sa-kene helläkene,
mesimarja maamakõnõ,
7120 kull'a õks jal langu^q, kuku langu^q,
mi langu^q, meeli langu^q,
sünn'ke õks no ti mi sõõgele,
lepp'ke ti mi leeväle!
Pelä-õks-ti-ku-ie^q süvveneni,
7125 süvveneni, juvvõnõni:
mi omma^q ka õks imel piimä peo^q,
piimä peo^q, sõira sõrmõ^q!
Hot' omma^q õks meil imel väiko^q lehmä^q,
maamal madala^q vasiõ^q,

7130 väikol om õks küll lehmäl väkev piim,
madalal makus´ piim!
Ime mõist õks meil karja kasvatõlla^q,
mõist hoita^q vasikit:
imel saasõ õks meil katõsta katõsa,
7135 saa ütestä ütesä.
Vahtsõ^q õks ti langu^q, mi umadsõ^q,
meilä meelimar´akõsõ^q,
küll omma^q õks teil hobõsõ^q hoiedo^q,
kaarasiüjä^q kaedo^q!
7140 Esel om õks meil küün kümme süld,
om sarraj sada süld,
õga jää-s õks teil vehmre^q vihma kätte,
sadula^q sao kätte.
Kuulkõ^q õks jal, uhkõ^q umadsõ^q,
7145 mi suurõ^q sugulasõ^q!
Ti ka õks küll olõt kohvi-kotost,
olõt piitnä-perrest,
teele õks mi kohve annase^q,
teele piitnät peesütä^q -
7150 teele õks mi ütle umma ohto,
teele kaiho kaibõllõ:
Kaadsõ- õks-meil-kõist velekeist,
pikkä peipoisikõist -
hoit´ õks tä hüvvi hobõsit,
7155 kasvat´ kaarasüüjät,
tekk´ õks tä üül ütsä^q roka^q,
pääväl katsa^q kaara^q.
Kui naksi õks meil saja saamahe,
aulauda astumahe,
7160 Kaadsõ pand´ õks sis ette hobõsõ,
verevä vehmrehe,
vell´o sõit´ õks sis suurõ liina sisse,
ausahe alõvohe,
kohvi- ost´ õks tä -katla kuurmahe,
7165 piitnä- pand´ õks tä -katla perä pääle.
Vell´o nakas´ õks sis kodo veerümähe,
Kaadsõ liinast kaldumma.
Hopõn läts´ õks sis mäkke mängeh,
kallaspuuldõ karõldõh -
7170 piitnä- sattõ õks sis -katla perä päält,
kukko maalõ kohvikatla.
Läts õks sis katske kohvikatla,
piitnä pada pirabinna.
Selle saa-i õks mi kohve kiitã^q,
7175 saa-i piitnät peesütellä^q.
Vahtsõ^q õks jal langu^q, mi umadsõ^q,
meillä meelimar´akõsõ^q,
las ku õks ti tulõt tõõsõ kõrra,
astut tõõsõla aola,
7180 teele panõ õks sis tsäi kiimähe,
samavarrã* savvumma!
Sõõge^q õks ti, langu^q, joogõ^q, langu^q!”
Ime käve õks küll mano käbehehe,
linnas´ mano libõhõhõ.
7185 Taadsõ õks jal imme hellãkeist,
Taadsõ maamat mar´akõist -
imele õks sis and´ andit:
tiidse õks tä anda suurõ teki,
valgõ lina liigutõlli,

7190 üskã and´ õks tä suurõ üsãtãvve,
kãe päãle kãetãvve.
Kaadsõ nakas´ õks sis ime kargamma,
vana naane nal´atamma.
Esi õks tä karas´ ne kadsade,
7195 pill´ jalgo, pidi illo:
”S´oo sai õks mul puja hoitmast,
kalle latsõ kasvatammast!”
Sis õks jal esele and´,
päãle õks jal sõirat´ sõsarillõ,
7200 veerãt liina-tã-velile.
Kõõk õks sis tehnsõ^q andjat,
kulla andõ kudajit.
Sõõgi- sai õks kui -kõrd süüdüst,
joogikõrd juudust,
7205 ime katt´ õks sis lavva laadnahe,
lavvarãti laotõlli.
Oo õks tuud tarka Taadsõ imme,
kavalat kandjakõist -
liudõ pand´ õks tä päãle lillelitse,
7210 kaussõ päãle õks pand´ katsa nitsega,
vak´o kããnd´ õks tä päãle kãterãti^q,
tiidse anda tiraniki^q
hanga-õks-liisi, kongaliisi,
tsõõr´ãliisi, põõreliisi.
7215 Ime astõ õks sis auga mant,
tiidse tulla^q tehãneh.
Oo õks noid valgõt vakanaisi,
kinn´o kirstu-imãndit!
Esi õks nãã^q naari^q ne nal´ade^q,
7220 päãle karkse^q ne kadsade^q:
”Sõõgi- sai õks meil -kõrd süüdüst,
joogikõrd juudust -
no seime õks mi säksã lavva takah,
kaubamehe kambroh -
7225 laulu- jãi õks meil -kõrd laulõmalda,
ilokõrd iskimãldã!
Katõlt olli^q õks siin kõrralt kalalivva^q,
nelãlt-viieft lihãlivva^q.
Siin õks mi hãrã hãõtelli,
7230 seime origo otsani.
Vahtsõ^q õks ti langu^q, mi umadsõ^q,
meilã meelimar´akõsõ^q,
kui õks ti eelã meillä ollit,
meillä ollit, säãl kãvet,
7235 agu olli õks meil vãgi vãikene,
oll´ pido peen´okõnõ?
Teele keedi õks mi kirbu kõlekese,
paisti parmu poolõkõsõ:
kirbust õks saasõ kipõ ruug,
7240 parmust paks pudrukõnõ.
Vahtsõ^q õks jal langu^q, linnukõsõ^q,
madãliku^q meelimar´ã^q,
selle olli õks vaest pido peen´okõnõ,
rahva ravi vãikene:
7245 ese and´ õks meil siã ikkõh,
kasvatãja kahitõh!
Ese tahtõ õks meil Alelõ,
anda suurõlõ sulãõllõ,
kiã oll´ õks tãã koolih kullus miiss,

7250 kōkō kallep kallis poiss.
Esekene õks meil otsō usulist,
tahtsō veljä viielist,
imekene õks jal himots´ hiitrat,
tahtsō Kaadsit kavalat.
7255 Ime and´ õks küll umala meelelä,
pääsō umala päälä,
Taadsi tull´ õks meil memme miilt piti,
taadō tahetot piti.
Näio oll´ õks meil kuulus üle kolga,
7260 oll´ veerüs üle veere:
Taadsit õks meil kutsäre^q kosōva^q,
timmä tahtsō^q tallipoisi^q,
pääle timmä ka õks möldre^q kosōva^q,
kivipoisi^q kihlsiva^q.
7265 Kōik õks küll tahtsō^q mi Taadsit,
tundsō^q Tuula tütrekeist,
Taadsi oll´ õks et tahe* süämega,
Tuul tugōva jutuga.
Ese tahtsō ka õks anda^q möldrelle,
7270 kihlada^q õks küll kivipidäjälle.
Selle tahtsō õks tä anda^q möldrelle,
keertä^q kivipidäjälle!
Tuud ka õks küll ütäl´ mi ese,
toet´ sõnna vana Tuul,
7275 möldrel saasō õks et matt maatōh,
külümüt küle pääle:
esi õks tä maka, matt tulō,
lesätäs, leibä saasō.
Taadsi õks jal imme helläkeist,
7280 maamat meelimar´akōist -
ime õks küll esele ütäl´,
maama tätäle manits´:
”Taadsi taha-i õks meil minnä^q möldrelle,
keertä^q kivipidäjälle -
7285 agu lätt õks meil muna musta sisse,
tuvikōnō tursti mano,
sis õks meil muna mustast lätt,
tuvi turstil tolmus!
Sääl saasō õks tä tsia söötijäst,
7290 imise ilestäjäst -
möldre õks hoit pall´o tsiko,
toit tugōva origo,
liina om õks tä liha viijäni,
kalle väe kandjani.
7295 Selle õks anna-s imekene,
taha-s minnä^q Taadsikōnō.
Ese õks jal armast´ Alekōist,
virve Virkse pujakōist;
ime õks jal kai Kaadsikōist,
7300 Taadsi tundsō Toomō poiga -
ime õks kallut´, Taadsi tull´,
maama tougas´, tuvi läts.
Kaads-i-õks-sa-kōnō, velekene,
mi suur sugulanō,
7305 hoitma naka^q õks sa mi näiokōist,
elämä ilosahe!
Kuulō^q õks sa, hüä tsōdsō ülä,
kaharpää näio kasa:
sald´ma naaku-i õks imp liina lihavit,

7310 tahtma turu tugōvit!
Kuulō^q õks jal, hüä tsōdsō ülä,
väega hüä väümiis:
söōge^q õks küll muna ti poolildō,
kanamuna katōkese!
7315 Pessku-i õks sa naist perre näteh,
muidō tiideh teotagu-i!
Sis saasō õks küll kolgalō kōnōlda^q,
veerele veerätellä^q,
kolk and õks jal kur´alō kuulda^q,
7320 viir tiidä^q tigōhōllō.
Kuri õks jal ütles: ”Kua^q naist!”,
tikō ütles: ”Tii^q kurja!”
Ülä-õks-sa-kene, väükene,
niidine õks sa tii^q roosakōnō,
7325 olōkōrrōst varrōkōnō,
tuuga õks sa naist hirmutōllō^q,
mi kapo karistōllō^q!
Noomi^q õks sa naane nulga takah,
oppa^q univuutil,
7330 angu-i õks sa naist külä naarda,
kapo muidō kadsatōlla!
Kui õks ti elät ilosahe,
katōkeske kallehe,
teid õks sis kost´ma kutsutas,
7335 sagōhōhō sõna saasō.
Kui õks ti elät ilotohe,
katōkeske kammōlikko,
kui õks sis tulōt kost´mahe,
astut aigo viitmähe,
7340 Taadsikōnō õks sis tarrō tulō,
tugōvahe Tuula poolō -
sis jätä õks mi väü värehte taadō,
poisi puuriida mano!
Sullō veese õks sis Kirep kergokōsō,
7345 veese Tuks toolikōsō;
sis õks sa tihka-i tarrō tulla^q,
ilosahe ese majja.
Kui elät õks sa, Kaadsi, ilosahe,
Taadsiga tahehehe,
7350 hüä om õks sis sullō ne muilō,
illos õgalō-ütele,
tuu eläs õks et paar parebehe,
laulatōdu^q laadusahe!”
Kaadsi õks kullōl´, kohrut´ hinnäst,
7355 mōtōl´ mōrro meelegeist.
Esi õks tä hinele kōnōli,
umal suul sorahōlli:
”Lüü-i õks ma suuhtō sorijallō,
pessä-i päähä petjälle -
7360 esi õks ma tiiä, mis ma tii,
mōista umala meelelä:
Taadsi om õks mul peoh kui piirak,
om käeh kui kägo!
Esi õks ma peti, esi vōti,
7365 esi kiti, kisi siiä.
Ime saa-i õks imp olla peremiiss,
kandja Taadsi kaejani -
kui ma õks taha, sis ma pessä,
kae pääle, anna karri.”

7370 Kaadsi õks üteli kuuldmalda,
Taadsi kandja kaemalda.
Tuud õks jal ütli vakanaase^q,
kinä kirstu kitjäni:
"Näio õks meil esse helläkeist,
7375 Taadsi tätät tähekeist!
Esel oll' õks meil üts tütrekene,
kalõvunõ kabokõnõ,
ese ost' õks kõõ kurtõ kumakit,
ost' matsa maagõlanga.
7380 Kudi õks sis kangast, kodo kumas',
tekk' langa, tarõ tiras'.
Õga pelgä-s õks täl kangas kadõhuist,
illos rõivas imehüist -
rõivas oll' õks täl illos kui iä,
7385 tasanõ kui talvõ tii.
Taadsil olli^q õks kõõ peeel^q perre tarõh,
oll' ala aknidõ.
Õga kutsu-s õks tä küläst köütjät,
üle aia alostajat -
7390 miä õks tä kuuli, tuu kudi,
miä arvas', tuu alost'.
Ese anna-s õks meil punda poolikot,
villanakla narritot -
ese and' õks kõõ punna^q ploomnahe*,
7395 villanagla^q veernahe*,
selle om õks meil siseh siidirõivast,
alla kaanõ kalõvunõ.
Taadsil om õks meil kivi kirstu pääl,
vaotus vaka pääl,
7400 Taadsil saasõ õks küll pitä^q umast iäst,
saa kakko^q kaugõst!"
Mõni õks sis üteli hill'okõitsi,
tahtsõ üldä^q tassakõitsi:
"Üläle õks vaest saa kõrtse kanda^q,
7405 Kaadsil viia^q viina pääle!"
Sis jäivä^q õks jo vaiki vakanaase^q,
uma laulu lõpõtõlli^q.
Sis õks jal lauli Kaadsi sugu,
vele umadsõ^q veerädi^q:
7410 "Ti õks no kiti^q umma tsõtõsõ,
umma armast avvustõlli.
Mi om ka õks küll vell'õ kitetäv,
armas au-antav:
meil om õks ehk vell'õ mitmõst parep,
7415 katõst-kolmõst kallep!
Meelü^q õks sa, meelü^q, memmekene,
tasahu^q, taadõkõnõ!
Hot' ülti õks meil veljä joodikõst,
ülti kõrdõs-kõnnikõst,
7420 teno õks meil noorõlõ velele,
kats tenno kallellõ -
pikäh olõ-i õks vil olno^q pingi pääl,
kõrdõs veereh kõvõrehe!
Oll' õks meil vell'õ proostat jako,
7425 kallis proostat kalenjat:
miä õks ante, ar jei,
pakutigi, panõ-s vasta.
Vell'õ lää-s õks meil kõrtse ütsindä,
kallu-s katõla jalala -

7430 kõrtse läts õks kõõ ummi umastõga,
tougas' ummi truukõga.
Rikkal om õks küll pall'õ ristiveljo,
uhkõl poisil unopoigõ."
Kaadsi õks jal imme helläkeist,
7435 vanna maamat mar'akõist -
viirde heit' õks tä sõna viguritse,
kolm sõnna kongulist:
"Selle õks mi olõ juujat suku,
olõ seemend serbäjät:
7440 kui hoiji õks ma Kaadsit väikost,
kasvatõlli kanasõst,
ese läts õks sis kõrtse, mina kõrval,
ime, lätsi õks ma liina, Kaadsi ligi."
Kaadsi õks jal lausi meelestäni,
7445 meelest, meelee poolõstani:
"Ese jei õks sis toobi, ma tõõsõ,
ime kanni, ma katsi!"
Näile õks sis üteli mito naist,
viis veljä veerätelli^q:
7450 "Mis ti õks no haarat hangu-sõnno,
korjat sõnno kongoliisi?
Joodikil olõ-i õks joht korgõ kodo,
olõ-i mõisa maja!
No ajagõ^q õks ti hauda hangu-sõna^q,
7455 pangõ^q kotte kongo-jutu^q:
õga olõ-s õks meil näio ängätäv,
olõ-s pall'õ pakutav -
vell'õ õks võtt', näio tull',
Tuum kosõ, Tuul tull'.
7460 Näist sai õks no paras paarikõnõ:
üte- omma^q õks nää^q -ilosa^q mõlõmba^q,
üteveerüsä verega.
Võiva^q õks nää^q ellä^q, võiva^q olla^q,
võiva^q kavva kasvuda!
7465 Taadsi vôi ka õks siin säädä^q ime sängõ,
panda^q tätä pad'akõist -
õga olõ-i õks siin kotoh sõsarit,
kallist imekanasit!
Taadsi-õks-sa-kõnõ, näiokõnõ,
7470 pääle veerüs velenaane,
kutsma naka^q õks sa kodo sõsarit,
hõikamma hõimlaisi!
Õga siiä õks nää^q tulõ-i söõgi läbi,
joosõ-i siiä joogi läbi -
7475 süämekene õks näil kuts kodopaika,
miil hälge hällüpaika,
koh om õks näid ime imetäni,
om maama maatanu.
Tuud õks siin sõsarõ^q pelkse^q,
7480 imekana^q kahitsõlli^q:
Kaadsikõnõ õks vaest usu unõhtõllõs,
uma muu muilõ and?
Tuud õks nää^q iki^q ilma-väega,
kado-väega kahitsõlli^q:
7485 "Ese tekk' õks ar Kaadsi peremehest,
kulla krundiesändäst -
kui mi õks no kuna kodo tulõ,
iloshe ese majja,
velekene õks vaest tarõ tappa pand,

7490 ussõ lukko oiutõllõs?
Kodo- sis õks meil -tii koobitõdas [=kopitõdas],
hallõ tii hainatõdas!
No oll´ õks kõõ veli sõsarõllõ,
illos imekanasõllõ,
7495 no sõki õks mi suvõl suurõ tii,
talvõl lumõ tasatsõst,
ese sõki õks mi moro muatsõst,
vell´o haina harvakost.
Agu nakas õks no moro muhetamma,
7500 vell´o hain haletamma?””
Sis vaio õks jo mano vana ese,
kallis Kaadsi kasvataja:
”Kuri om õks jo nulgah mul kullõlda^q,
vana esel vaiki olla^q!
7505 No jätke^q õks jo jutto vähäbälle,
hanklõmist harvõndagõ^q -
miä õks jo saasõ, tuu saa,
koor´a* kotte panõmõ.
Kuulkõ^q õks ti, valgõ vakarahvas,
7510 kinä^q kirstu-ti-imändä^q:
joogõ^q õks ti viina, löõge^q laulo!
Mi võidõ^q õks ti kotoh kul´atõlla^q,
mino tarõh tandsõ lüvvä^q!”
Taadsi õks sis ime, helläkene,
7515 Taadsi maama, mar´akõnõ:
”Meil tulõ õks ar kohus kodo minnä^q,
marsse^q s´oost majakõsõst.”
Taadsikõnõ õks jo nakas´ ikmahe,
noorik väega nuutsk´ mahe -
7520 hallõ oll´ õks täl umma imekeist,
kallis umma kandjakõist.
Timmä õks kõik sõsarõ^q meelüdi^q,
hüä Kaadsi häälitelli^q:
”Ikku-i õks sa, ikku-i, Taadsikõnõ,
7525 mino puhas pruudikõnõ!
Õga õks sul imme iäst saa-i,
kasvatajat kaugõst -
küll õks sul üllä iäst saasõ,
saa õks ma, kasa, kaugõst!
7530 Tuu tulõ õks jo ime unõhtõlla^q,
tuu kandja kaotõlla^q!”
Vaka- saiva^q õks sis -rahvas valmest,
kalle^q vele^q kabistõdust.
Kui lätsi^q õks sis nimä^q minemähe,
7535 vakapoisi^q valamahe,
õga lasta-s õks Taadsit saatmahe,
vakapoissa vaht´ mahe -
Taadsi viide õks ar taadõ-tarrõ,
kallehe kambrõhõ.

7540 Tälle õks kõik naase^q nalatõlli^q,
inemise^q ilotõlli^q.
Sedä õks taa üteli´ sada suud,
kümme kiilt keerätelli^q:
”Nuur kuulõ^q õks sa noorigõkõnõ,
7545 eeläne ehitedükene!
Kui lännõ^q õks sa imme saatmahe,
läve taadõ lähätämmä,
ime anno^q õks vaest sullõ igävüse,
heitnõ^q kaala helikusõ,
7550 sis saanu^q õks sul, Taadsil, ikäv ellä^q,
hanil saanu^q õks vaest halva harida^q!
Ime and õks no muilõ igävüse,
heit kelle helikusõ:
läbi om õks täl mõtsa minemine.
7555 läbi laanõ laskmine,
heit õks tä mõtsa mõtusõllõ,
jätt jalgo jänesele!”
Läts õks sis kodo vakarahvas,
kaldo ummi kaartehe.
7560 Ese õks sis kündõ küüsümähe,
tätä nõsse nõudmahe:
”Kui õks säääl teid hoietigi,
sõõdetigi, joodõtigi?”
Kõik õks säääl esele kiti^q,
7565 armahe avvustõlli^q:
”Hüä olli õks säääl pereh, hüä pido,
hüä rahvas, hüä ravi -
pido oll´ õks säääl mi pereht piti,
ravi mi rahvast piti!
7570 Muud ku säääl õks kõõ olli^q sõimusõna^q,
olli^q lõimulõigahusõ^q.
Mi õks kiti umma näiot,
nimä kiti^q umma veljä -
oll´ õks säääl kats kitetävvä,
7575 arma^q au antavva^q.
Õga õks säääl mi tüllõ tüki-s,
taha-s minnä^q taplõmma!
Mi õks säääl olli oigõhõ,
pido- olli õks meil -rahvas pehmehe:
7580 jeivä^q õks nää^q viina, leivä^q laulo,
hõim tandsõ tahehehe,
Kaadsi ka õks Taadsiga tandsõva^q,
mõlõba^q mõrs´aga.”
Ese õks sis üteli´: “Sis oll´ illos,
7585 kul´anja väega kullus!”
Kaadsi õks säääl oigiti umatsit,
kosilasõ kullast hõimo -
pääle õks nää^q vaka suigahuva^q,
veid´okõsõ viibähüvä^q.